

www.BibleForChildren.org



Zen 14



Yezu àhi ma ana ndam madəbay nan ni keti, àhi ana tay ahkado : « Araña àhəli ahàr ana kəli ba. Fumki ahàr ke Melefit ; fumku ahàr daya. Afa ga Baba goro ti məlan àbiyu kay. Nəhia ana kəli a nakoru nəslamativù məlan ana kəli. »



« Tamal mēlanj ni aləbiyu bi ti, akal nēhi ana kəli ndo waw ? Ka ya ti anəslamativabiya mēlanj na ana kəli a ni ti anaŋga afa gekəli a, anəhəloru kəli afa goro, ti lekələm kânjəhadum ka mēlanj goro ya nanjəhad ni bilegeni. »



Àdɛm ma hini ti nu Zeŋ wur ga mən gekɛli. Leli ɔk
ti mɛbu ka ahar bɛlaŋ akaba Yezu *Krist akada
mis bɛlaŋ. Nahkay ti leli mɛbum

macakumkabu daliya ka
ahar bɛlaŋ,



mɛgrumoru tɛwi
geli ka ahar bɛlaŋ,
mɛmbɛrɛŋum do.



Leli mèbu ka ahar bəlan a Məgur ga Yezu bu, nan
Bay geli daya. A vad nahan tęgəs nu, tōru àna
nu ka had Patmos e kidin ga yam bu.

Tęgəs nu ti adaba nèbu nèhi
ma ge Melefit ana mis,




nagrakia sedi ka
Yezu a palam.



Esline *Məsuf ge Melefit àgəs nu həya, mək nipi kərsi
ga bay mafəkadani e melefit bu, maslaña àvu
manjəhadviyani dəgama.




Eslini nìci dɛŋgu ga zlam ya Melefit àgraya tay a ni ðek
tèbu tidi limis. Zlam ya ti agavèla ni, ya ka had' ni, ya
a had' bu ni akaba zlam ya ti a dèluy
bu ni tètɛm : « Məzləbum Bay ya
ti e kərsi bu ni, məzləbum Wur
Təmbak ni daya. »




« Məhəngrioru ahər a həd ana tay adaba nday tögur
zlam dek. Mətəkumi ahar ana tay daya. Məgrum
zlam nday nani dek ga
kaŋgay-kaŋgayani. »



Nìpi kəsa *njəlatani, nani Zerəzalem məweni. Nìpi naŋ àbu asləkabiya kwa a huđ melefít ba, afa ge Melefít a. Kəsa gani nani ti maslamalavani akada ga wal ya àbakabá zlam sulumana ga moroni àna naŋ kà zal ni. Eslini nìci dəŋgu ga maslaŋa nahaŋ àhəndabiyu kay kay e kərsi ga Bay ni bu, àdəm ahkado : « Nihi ti məlaŋ manjəhadani ge Melefít àbu e kidin ge mis bu. Melefít amanjəhad akaba tay, emigi Melefít gatay, mis ga jiba gərgərani ni dek ti ni etigi ndam gayaŋ.



Esline məslər nakəŋ àdəfuki zalaka ; zalaka nani ti àdəl
day-day do, yam gani avi sifa ana mis. Yam gani
ahəlabə eri akada ga kutrum na, aŋgəzaya e kərsi ge
Melefit ba. Kərsi nani ti ga Wur Təmbak ni daya.



Fat akaba kiyi t̀̀bi t̀̀sladay m̀̀lan a k̀̀sa gani nani bu
bi, adaba Melefit àna ahàr gayan asladay m̀̀lan gani,
Wur T̀̀mbak ni day asladay m̀̀lan gani akada ge
ceŋgel ni.



Ay ti zlam magədavani, ndam ya tagray zlam ya àbəlay do ni akaba ndam masəkad malfada ni etisliki məhuriyani a kəsa nani vu do.


Ndam ya ti təhuriyu ni ti si ndam ya ti slimi gatay məbəkiani ka wakita ga sifa ni kwa. Wakita gani nani ti ga Wur Təmbak ni.




« Etitɔwi va do, adaba Melefit
àgriaba yam tuway ana tay e eri
ba. Kisim amələbi va bi : tuway,
delɛɛ akaba daliya day atələbi
va bi. Adaba mam, zlam ya
ahaslani ni tɛndava, tɛbi va bi. »




Eslini ti zlam ya Melefit etikwesl ni atələbi. A kəsa nani bu ni ti Melefit amanjəhadviyu e kərsi gayan vu, Wur Təmbak ni amanjəhadviyu daya. Eslini ndam məgri təwi ana Melefit atazləbay nañ. Nday gani nani etipi wur ge eri ge Melefit. Slimi ge Melefit day àki məbəkiani ka tay kè meleher.



Nìpi mis ya tèmèt ni ðek, gəđákani akaba nday ya gəđákani do ni, jika jika kè meleher ga Bay ya ti nan àbu e kùrsi bu ni. Wakita tèbu eslini, maslaņa nahan àzləkkaba tay a. Àzləkkaba wakita nahan a daya : wakita nani ti wakita ga sifa ; slimi ge mis ya tèbu àna *sifa ya àndav ðay-ðay do ni tèbu məbəkiani nguredəða. Eslini Melefit àgrafəņa seriya kè mis ya tèmèt na.




Ka ya ti àgrafəŋa seriya kà tay a ni ti àmənjaki ka zlam gatay ya tàgray ni. Zlam gatay gani ya tàgray ni tèbu məbəkiani ka wakita ni. Tamal mis slimi gayanə àki məbəkiani ka wakita ga sifa bi ti tìzligiyu maslaŋa gani a dəluv ga aku ni vu daya.



Məsuf Njəlatani akaba ndam ga Yezu ya ahəl tay akada
ga wal ya taday ni təhi ahkado : « Ra ! » Ahər àdəm
maslaŋa ya ti ècia pakama hina ti mēhi : « Ra ! » Maslaŋa
ya ti yam àkada naŋ a ti ahər àdəm mâra. Maslaŋa ya ti
awayay esi yam ya avay sifa ni ti ahər àdəm mâcah ga

sulum,
mîsi !



Nèdèm nahkay ti adaba Melefit àwaya
mis ga duniya dal-dal. Nahkay àslèrbiyu
Wur gayanḡ bəlanḡ bəlanḡani ni, àvi ana
tay, ti ku way way do tamal àfəkia
ahàr ka Wur na ti èji do, anḡet
sifa ya àndav dáy-dáy
do ni sawanḡ.



Rom 3:23 mis ðek tàgudara zlam a ; nahkay nday driņ driņ akaba Melefit Bay njøða-njøðani ni, tòru afa gani koksah.

Rom 6:23 Tamal mis agudar zlam ti aməņgət zlam ka duwa gani ; ere ya aməņgət ni ti kisim. Aməmət azuhva zlam magudarani gayaņ ni. Ay zlam ya ti Melefit avi ana mis ni ti avi ana tay ga sulum : avi ana tay ti *sifa ya àndav ðay-ðay do ni ; avi ti ana nday ya ti tìgia akada mis bəlaņ akaba Bay geli Yezu *Krist a ni.

Hebri 9:27 Mis hihirikeni lu amət sak bəlaņ cilij, kələņ gani Melefit amagrafəņa seriya.



Efez 2:8,9 Melefit àhəngay kɛli ti ga sulum gayaŋ eɗeɗiŋ :
agri sulum gani nani ana kɛli aɗaba kɛfumki ahàr ka naŋ,
do ni ti àgri ana kɛli ti ka duwa ge tɛwi gekɛli ya kəgrumi ni
do. Zlam gani nani ɗek ti Melefit àgri ana kɛli ga sulum
gayaŋ zlam gayaŋ. Nahkay ti àhəngay kɛli aɗaba lekɛlɛm
kəgruma tɛwi sulumana palam do, àhəngay kɛli ga sulum
gayaŋ ciliŋ, ti ku way way do èji zlabay àna tɛwi gayaŋ
gayaŋani ba.

Rom 10:9,10 Pakama gani nahkay hi : Tamal nak nakani
kəɗəm àna ma gayak kè eri ge mis Yezu ti naŋ Bay
gəɗakani, tamal kəgəskabá a məbəruf gayak ba Melefit
àhəngaraba naŋ e kisim ba ti, Melefit amahəngay kur.
Tamal mis afəki ahàr ke Krist àna məbəruf bəlaŋ ti, Melefit
aɗəm maslaŋa gani nani mis jireni kè eri gayaŋ. Tamal mis
aɗəm àna ma gayaŋ kè eri ge mis Yezu ti naŋ Bay
gəɗakani ti, Melefit amahəngay maslaŋa nani.



Zen 3:16,17 Nèdèm nahkay ti adaba Melefit àwaya mis ga duniya dal-dal. Nahkay àslərbiyu Wur gayaŋ bəlaŋ bəlaŋani ni, àvi ana tay, ti ku way way do tamal àfəkia ahàr ka Wur na ti èji do, aŋgət sifa ya àndav day-day do ni sawaŋ. Melefit àslərbiyu Wur gayaŋ a duniya vu ti ga mөгəs mis ga duniya ni àna seriya do : àslərbiyu naŋ ti ga mahəŋgay mis ga duniya àna naŋ sawaŋ.

1 Zen 5:11-13 Melefit àhi mam ana leli mam ? Àdèm àvia *sifa ya àndav day-day do ni ana leli a. Sifa gani nani ti məŋgət azuhva Wur gayaŋ Yezu Krist. Maslaŋa ya ti àgəskabá Wur ge Melefit a ni ti àŋgəta sifa. Maslaŋa ya ti àgəskabu Wur ge Melefit ndo nahəma, aŋgət sifa ndo. Pakama gani nani ti nəbiki ana kəli adaba kəfumkia ahàr ka Wur ge Melefit a ; nawayay ti kəsərum lekəlum kəbum àna *sifa ya àndav day-day do ni.



Zen 14; 2 Koren 5; Mangahani 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Muyang NT (muy) © 2013, Wycliffe Bible Translators, Inc.
All rights reserved.

<https://www.bible.com/bible/1142/MAT.1.MUY>

©2025 Bible for Children, Inc.

www.M1914.org

www.bibleforchildren.org

